



Bosnia and Herzegovina
Federation of Bosnia and Herzegovina
CANTON SARAJEVO
Ministry of Culture and Sports

Broj: 12-02-11-49606-1/24
Sarajevo, 09.12.2024. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 16. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj 40/22), člana 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21, 13/22 i 21/24) i člana 12. Pravilnika o procedurama i kriterijima za izbor korisnika za sufinansiranje proizvodnje dugometražnog filma, kratkog filma i razvoj dramskih serija iz sredstava Ministarstva kulture i sporta Kantona Sarajevo za 2024. godinu („Službene novine Kantona Sarajevo“, broj 22/24) ministar kulture i sporta Kantona Sarajevo donosi

ODLUKU

o poništenju dijela Odluke o izboru korisnika sredstava Ministarstva kulture i sporta Kantona Sarajevo za pozicije sufinansiranja proizvodnje dugometražnog igranog filma, kratkog igranog filma i razvoj dramskih serija za 2024. godinu

I

U Odluci o izboru korisnika sredstava Ministarstva kulture i sporta Kantona Sarajevo za pozicije sufinansiranja proizvodnje dugometražnog igranog filma, kratkog igranog filma i razvoj dramskih serija za 2024. godinu, broj: 12-02-11-49606/24 od 12.11.2024. godine, u tački II podtačka a) produkcija dugometražnog filma, poništavaju se redni brojevi 2. i 9. kako slijedi:

	Naziv udruženja	Naziv projekta	Broj bodova (od ukupno 70)	Iznos odobrenih sredstva u KM
2.	MindSet d.o.o.	" <i>Tempi Passati</i> ", dugometražni dokumentarni film	60	70.000,00
9.	AHA Produkcija d.o.o.	"Sarajevo, grad čudesnog jedinstva", dugometražni dokumentarni film	38	30.000,00

II

Ova odluka stupa na snagu danom donošenja i objavit će se na web stranici Ministarstva kulture i sporta Kantona Sarajevo.



Obrazloženje

Ministar kulture i sporta Kantona Sarajevo je donio Odluku o izboru korisnika sredstava Ministarstva kulture i sporta Kantona Sarajevo za pozicije sufinansiranja proizvodnje dugometražnog igranog filma, kratkog igranog filma i razvoj dramskih serija za 2024. godinu, broj: 12-02-11-49606/ 24 od 12.11.2024. godine.

Nakon donesene Odluke Ministarstvo je, putem medijskih natpisa, došlo do saznanja o postojanju sukoba interesa od strane člana Komisije za provođenje Javnog poziva za predlaganje projekata za sufinansiranje proizvodnje dugometražnog filma, kratkog filma i razvoja dramskih serija iz sredstava Ministarstva kulture i sporta Kantona Sarajevo za 2024. godinu u provedenom postupku po Javnom pozivu broj: 12-11-32742/24 od 14.06.2024. godine.

Postupajući po odredbama člana 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo i člana 12. Pravilnika o procedurama i kriterijima za izbor korisnika za sufinansiranje proizvodnje dugometražnog filma, kratkog filma i razvoj dramskih serija iz sredstava Ministarstva kulture i sporta Kantona Sarajevo za 2024. godinu, Ministarstvo kulture i sporta Kantona Sarajevo je zatražilo očitovanje o eventualnom postojanju sukoba interesa članice Komisije sa Mindset d.o.o. i AHA produkcija d.o.o. S obzirom na pozitivno očitovanje od navedenih pravnih subjekata, ministar je odlučio o upravljanju sukoba interesa kao u tački I ove odluke.

Pouka o pravnom lijeku: Protiv ove odluke može se izjaviti prigovor u roku od sedam dana od dana dostavljena pismene obavijesti.



Dostaviti:

- 1) Naslovu
- 2) a/a



Adresa: Reisa Džemaludina Čauševića 1, 71 000 Sarajevo
Tel/fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba

2/2